

Ժողովուրդ

169
(2649)

24 նոյեմբերի հինգշաբթի 2022
տպագրության ԺԱ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ՆԻԿՈՎ ՓԱՇԻՆՅԱՆԸ ԽԱՔԵԼ Է. ՄԱՍ 141



«Ի հեճուկս գլոբալ դժվարությունների՝ Հայաստանն ունի շատ հստակ, որոշակի տնտեսական հաջողություններ, եւ նաեւ այս համատեքստում, իհարկե, ոչ անմիջականորեն, բայց շատ կարելի է համարում, որ մի քանի օր առաջ հրապարակված տնտեսության ազատության ինդեքսը, որտեղ Հայաստանի Հանրապետությունը զբաղեցնում է 11-րդ տեղը աշխարհի 165 երկրների շարքում: Այս սադրանքը նպատակ ունի կոտրելու Հայաստանի տնտեսական դինամիկան», - 2022 թվականի սեպտեմբերի 13-ին Ազգային ժողովում այս մասին հայտարարեց ՀՀ վարչապետ Նիկոլ Փաշինյանը: Նրա այս հայտարարությունը կրկնել են նաեւ ՀՀ էկոնոմիկայի նախարար Վահան Բերդյանը, ԶՊ խմբակցության պատգամավորներ Գեորգ Պապոյանն ու Բաբկեն Թունյանը: Սակայն Փաշինյանի այս հայտարարությունը եւս, մեղմ ասած, չի համապատասխանում իրականությանը: Իշխանական թիմի ներկայացուցիչների խոսքերին անդրադարձել էր «Լույս» հիմնադրամը: «2022թ.-ի տնտեսական ազատության ինդեքսի տվյալ զեկույցը հրապարակել է Fraser Institute-ը, համաձայն որի՝ Հայաստանը, այո, գտնվում է 11-րդ հորիզոնականում, սակայն ոչ նախարար Վահան Բերդյանը, ոչ ԶՊ-ական պատգամավորները հարկ չհամարեցին իրենց խոսքում նշել, որ, թեեւ զեկույցը հրապարակվել է 2022թ.-ին, այն ներկայացնում է աշխարհի 165 երկրների տնտեսական ազատության պատկերը 2020թ.-ի դրությամբ», - նշել էր «Լույս» հիմնադրամը: Հիմնադրամը նաեւ շարունակել է. «Փոխարենը նախարար Բերդյանն ու ԶՊ-ական պատգամավորները նախընտրեցին մանիպուլացնել զեկույցում տեղ գտած արդյունքները՝ նշելով, թե այն տնտեսական բարեփոխումները, որը գործող իշխանությունները իբրեւ թե իրականացրել են վերջին 4 տարիների ընթացքում եւ այն օրենքները, որոնք ընդունել են վերջին 4 տարիների ընթացքում ամբողջովին նպաստել են Հայաստանում տնտեսական միջավայրի ազատականացմանը, եւ դրանք միայն բառեր չեն, այլ կոնկրետ գործողություններ, որոնք միջազգային կազմակերպությունները հստակ գնահատականով կրճատեցին արձանագրել են», - հավելել էր «Լույս»-ը: Նույն կազմակերպությունը մեկ այլ հիմնադրամի կողմից հրապարակված զեկույց էր ներկայացրել: Համաձայն «Հերիթեյջ» հիմնադրամի կողմից հրապարակված զեկույցի՝ Հայաստանում 2022թ. տնտեսական ազատության ինդեքսը նախորդ տարվա համեմատ նվազել է 6.6 միավորով եւ կազմել 65.3 միավոր, իսկ համաշխարհային վարկանիշային աղյուսակում Հայաստանի դիրքը վատթարացել է 26 հորիզոնականով, եւ նախորդ տարվա 32-րդ հորիզոնականից Հայաստանն այս տարի հայտնվել է 58-րդ հորիզոնականում: Այսինքն՝ հերթական անգամ Նիկոլ Փաշինյանն անձամբ եւ իր թիմի անդամները եւս խաբել են ՀՀ հպարտ եւ արժանապատիվ քաղաքացիներին:

«Ժողովուրդ» օրաթերթի տեղեկություններով՝ «Հայաստան» խմբակցության պատգամավոր, «Վերածնվող Հայաստան» կուսակցության նախագահ Վահան Բերդյանը, որ հեռացել էր երկրից, երեկ վերադարձել է: Սակայն խմբակցության հետ նա հարաբերությունները սառեցրել է. հիմնականում չի մասնակցում նիստերին: Խմբակցության մեծամասնությունն անտեղյակ է. երբ է նա գնում-գալիս երկրից: «Ժողովուրդ» օրաթերթը «Հայաստան» խմբակցությունից հարցուփորձ արեց Վահան Բերդյանի մասին, պարզվեց՝ նա իր երկու կուսակիցների հետ մեկուսացել է: Նշենք, որ «Վերածնվող Հայաստանից» ընդամենը երկու ներկայացուցիչ կա ԱԺ-ում այս պահին՝ Հռիփսիմե Ստամբուլյան, Ելենա Կիրակոսյան, որոնք Վահան Բերդյանի հետ մի կողմ են քաջվել եւ սպասում են հարմար պահի, որ մանդատները վայր դնեն կամ սպասեն՝ իշխանությունը իրենց գրկի մանդատներից, քանի որ թույլատրելի բացականչելի շեղվածություն անցել են: Կարճ ասած, Վահան Բերդյանի «Վերածնվող Հայաստան» կուսակցությունը փլվում է. նրա կուսակցության 7 անդամ պատգամավորներից Աննա Գրիգորյանը, Արթուր Սարգսյանը դուրս են եկել կուսակցությունից, Մխիթար Զաքարյանը մանդատը վայր դրեց ու հեռացել է քաղաքականությունից, անգամ երկրում չէ: Ջեմֆիրա Միրզոյանն ասորական համայնքի ներկայացուցիչն է եւ չի գնացել Վահան Բերդյանի հետեւից: Այսինքն՝ առաջիկայում Սյունիքի մարզի հենքով կառուցված կուսակցությունը խորհրդարանում այլեւս ներկայացուցիչ չի ունենա: Ավելի վաղ նաեւ սյունեցի նախկին ու ներկա համայնքապետներն են հրաժարվել այդ կուսակցության անդամությունից:



Թեւ որոշ մասնագիտական ու քաղաքական հանրային քննարկում է հայտնի դատավոր Մնացական Մարտիրոսյանի հակակոռուպցիոն դատարանի դատավոր դառնալու հավանականության մասին, սակայն ամեն ինչ դեռ վերջնական չէ: «Ժողովուրդ» օրաթերթի տեղեկությունների համաձայն՝ միայն մեկ մարդ է որոշելու, թե Երևան քաղաքի ընդհանուր իրավասության դատարանի դատավոր Մնացական Մարտիրոսյանը ընտրվելու է Հակակոռուպցիոն դատարանի դատավոր, թե՛ ոչ: Եւ այդ մեկ մարդը ՀՀ վարչապետ Նիկոլ Փաշինյանն է: Ավելին՝ դատական համակարգում տարածված խոսակցությունների համաձայն՝ ՀՀ նախագահը չի ստորագրի նրա նշանակման դիմումը, եւ այն հետ կողարկի ՀՀ Բարձրագույն դատական խորհուրդ, որից հետո որոշում կայացնողը կլինի Նիկոլ Փաշինյանը՝ նրան իրավունքի ու ժով նշանակելի Հակակոռուպցիոն դատարանի դատավոր, թե՛ ոչ: Նշենք, որ Մնացական Մարտիրոսյանը ԲԴԽ-ի կողմից ընտրվել է Հակակոռուպցիոն դատարանի դատավոր, եւ հիմա նրա նշանակման դիմումը ուղարկվել է ՀՀ նախագահին, որ ստորագրի: Սակայն նկատենք, որ դատավոր նշանակվելուց առաջ բոլոր թեկնածուները Կոռուպցիայի կանխարգելման հանձնաժողովի կողմից անցնում են բարեկարգության ճանապարհով, եւ հանձնաժողովը դատավորի կամ դատավորի թեկնածուի մասին կարծիք է ներկայացնում, որը հետագայում դրվում է ՀՀ նախագահ Վահագն Խաչատրյանի սեղանին, ու նախագահն է որոշում դատավորին ընդունել՝ դատական համակարգ, թե՛ առարկայաբար հետ ուղարկել: Եվ, ահա, Մարտիրոսյանի թեկնածությանը բարեկարգության մասով բացասական գնահատական է տվել Կոռուպցիայի կանխարգելման հանձնաժողովը, ինչպես նաեւ՝ ԲԴԽ-ի կողմից ներգրավված միջազգային փորձագետ Վիտալի Կասկոն: Տեսնենք՝ ինչ կլինի ապագայում:



Շուրջ 5 ամիս կալանքի տակ գտնվող Նորին Սուրբ Օծություն ՏՏ Գարեգին Բ-ի եղբորորդին իր կալանքը հորեղբոր գործնով չի պայմանավորում: Հիշեցնենք, որ Շենգավիթ վարչական շրջանի դատախազի տեղակալ Կորյուն Ներսիսյանը շուրջ կես տարի է՝ կալանքին տակ է, «Ժողովուրդ» օրաթերթի հետ Հակակոռուպցիոն դատարանում կայացած բացառիկ գրույցի ժամանակ ասել է կալանավորը: «Ժողովուրդ» օրաթերթի այն հարցին, թե այս ամիսների ընթացքում հասկացել է, թե որն է իր մեղքը, որ հայտնվել է կալանավայրում, Կորյուն Ներսիսյանը պատասխանել է. «Արդարադատությունը, իմ կարծիքով, կարգի մեղքի խորությունը, բովանդակությունը, իսկ որպես այդպիսին՝ ես որեւէ մեղք չունեմ»: «Ժողովուրդ» օրաթերթի այն հարցին՝ արդյո՞ք իրեն պատժում են՝ պահելով կալանքի տակ իր կարողիկոս հորեղբոր գործունեության մասով, Շենգավիթի դատախազի տեղակալ Կորյուն Ներսիսյանը նշեց. «Թույլ տվեք նման առարկայական հանգամանքներին չհանդարտանալ, որովհետեւ, ըստ էության, այդ ամեն ինչը ես որեւիցե ձեռով չեմ ուզում կապել այս իրավիճակի հետ»: Ինչպես հայտնի է՝ այս տարվա հունիսի 11-ին ազգային անվտանգության ծառայության կողմից ՀՀ դատախազության հետ համագործակցությամբ ձեռնարկված մեծածավալ օպերատիվ-հետախուզական միջոցառումների արդյունքում փաստական տվյալներ են ստացվել այն մասին, որ Երեւան քաղաքի Շենգավիթ վարչական շրջանի դատախազի տեղակալ Կ.Ն.-ն, հանդիսանալով պաշտոնատար անձ, Արմավիրի մարզի առաջին ատյանի ընդհանուր իրավասության դատարանի վարույթում քննվող քրեական գործով ամբաստանյալ Ն. Գ.-ի նկատմամբ մեղմ պատիժ նշանակելու նպատակով համար, պաշտոնական դիրքն օգտագործելով, Գ.Գ.-ի եւ Ն.Ա.-ի օժանդակությամբ եւ միջնորդությամբ Ն.Գ.-ից ստացել է առանձնապես խոշոր չափերով՝ 2.500.000 ՀՀ դրամ կաշառք: Կորյուն Ներսիսյանը 5 ամիս է՝ կալանքի տակ է, եւ գործը հասել է Հակակոռուպցիոն դատարան:



ՓԱՇԻՆՅԱՆԸ ՆՎԵՐ Է

ԴԵՊԻ ՄԻՈՒԹԵՆԱԿԱՆ ԱՅՈՒՄ

Մինչև երեսնամյա չՄՊԿ զագաթնաժողովին մասնակցելու գալը, Ադրբեջանի նախագահ Իլհամ Ալիևի հետ Ռուսաստանի Գաբուրյան նախագահ Վլադիմիր Պուտինի ունեցած հեռախոսագրույցը, քաղաքագետ Գագիկ Համբարյանի գնահատմամբ, դասահական չէր: Նա վստահ է՝ ՀՄՊԿ անդամ երկրների ղեկավարներից միայն Պուտինն է կարողանում Ալիևի հետ հարցեր լուծել, քանի որ լուրջ դեպքերում ՀՄՊԿ մյուս երկրները չեն կարողանում ազդել Ադրբեջանի վրա: «Քաղաքագետ դասավորել է չեն ազդելու Ադրբեջանի վրա, քանի որ Ալիևը վերջերս իր կողմից արված հայտարարության մեջ ամենալին էլ դասահական չասաց, որ Ադրբեջանն, ի սարբերություն Հայաստանի, ՀՄՊԿ-ում ավելի լուրջ ընկերներ են գործընկերներ ունի»,- «Ժողովուրդ» օրաթերթի հետ զրույցում ասում է Համբարյանը:

Հայ-ադրբեջանական սահմանին տեղի ունեցող հակամարտությունը, քաղաքագետի համոզմամբ, ՀՄՊԿ-ը ու Ռուսաստանին վարկաբեկելու միջոց է, ինչի հետևում թուրք-ադրբեջանական տանդեմն ու նրանց հայաստանյան գործընկեր Նիկոլ Փաշինյանն են կանգնած: Այս հակամարտությունը, շեշտում է մեր զրուցակիցը, Ռուսաստանը պետք է հաշվի առնել, որպեսզի Փաշինյանը չկարողանա հայաստանյան հասարակությանը համոզել, թե ՀՄՊԿ-ն իրենից ոչինչ չի ներկայացնում: «Այսինքն՝ Հայաստանի ներկայիս իշխանությունները ջանք ու եռանդ չեն խնայել՝ հայաստանյան հասարակությանը հասկացնելու համար, որ, ընդհանուր առմամբ, Հայաստանի Հանրապետությունն այդ ռազմաքաղաքական կազմակերպությանը ՀՄՊԿ-ի մեջ կարիք չկա, որ լինի: Ինչպես նաև արվել է հնարավորը Ռուսաստանին՝ որպես ռազմավարական գործընկերոջ, վարկաբեկելու համար»,- մանրամասնում է Համբարյանը:

Սեպտեմբերի 13-ի մեկօրյա պատերազմի ժամանակ ու դրանից հետո, ասում է Համբարյանը, իշխանամերձ լրատվամիջոցներն իրավիճակն այնպես են ներկայացրել, թե դա ՀՄՊԿ-ի պարտությունն է կամ Ռուսաստանի կողմից դաշնակցային պարտականությունները չկատարելու հետևանք է: «Բայց այդ ամենին զուգահեռ՝ սեպտեմբերի 13-ից հետո հայաստանյան հասարակությունը մեկ անգամ ինքն իրեն ու պատկան մարմիններին չհարցրեց՝ բա մենք բանակ չունենք, որ կպաշտպանեն



մեր անվտանգությունը, կամ այս երկու տարվա մեջ Նիկոլ Փաշինյանը բանակի մարտունակությունը վերականգնելու համար ի՞նչ է արել: Սրանք բոլորը հարցեր են, որ մեր քաղաքացիներն, առաջին հերթին, պատկան մարմիններին ու գերատեսչություններին պետք է ուղղել: Միշտ էլ կարելի է ՌԴ-ին կամ մեկ ուրիշին մեղադրել, բայց հարցին առաջինը ինքներս պետք է պատասխանենք»,- մանրամասնում է քաղաքագետը:

Եվ հիմա, շարունակում է, ՀՄՊԿ-ը պետք է ինչ-որ քայլեր ձեռնարկի, ոչ միայն իր երեսը փրկի, այլ նաև Հայաստանի ու միջազգային հանրությանը համոզի, որ «պուտինյան ՆԱՏՕ» համարվող ՀՄՊԿ-ը բուտաֆորիա չէ:

Ինչ վերաբերում է Պուտինի այցից հետո Հայաստանի՝ Միութենական երկրի մաս դառնալու մեր դիտարկմանը, ապա քա-

ղաքագետ Համբարյանն այդ մասով հետևյալ համոզումն ունի. «Պուտինի համար որքան թույլ լինի ՀՀ վարչապետ Փաշինյանը, միջազգային հարթակներում որքան վարկաբեկվի ՀՀ վարկը, այնքան նրա համար ավելի լավ ու ավելի հեշտ կլինի Հայաստանը Միութենական երկրի մաս դարձնելը: Չեմ կարծում՝ այդ գործընթացն առաջիկայում հենց միտուարյուն կստանա, բայց ես հստակ է՝ այն, վաղ թե ուշ, կյանքի է կոչվելու: Ի վերջո, Փաշինյանը նվեր է բոլորի համար. թե՛ Վաշինգտոնի, թե՛ Բրյուսելի, թե՛ Մոսկվայի, թե՛ Բաքվի, թե՛ Անկարայի համար: ՀՀ վարչապետը բացարձակ ձեռնադր է միայն Հայաստանին ու Իրանին, քանի որ պաշտոնական Թեհրանի արտաքին քաղաքականությունը շատ ավելի կանխատեսելի է»:

Զրույցը Մեծ ԿԿ ՎԱՐՈՂՈՍՅԱՆԸ

ԼՈՒՐԵՐ ԱԶԱՏՈՒՄՆԵՐԻ ԸՋԵՐԹ

Արցախի պետական նախարար Ռուբեն Վարդանյանը թեև նոր-նոր է պաշտոնի նշանակվել, բայց արդեն իրական կադրային ջարդ է սկսել: Երեկ նա պաշտոնից ազատել է կաբինետի բոլոր նախարարներին ու միայն չորսին որպես պաշտոնակատար նշանակել: «Ժողովուրդ» օրաթերթը տեղեկացավ, որ պետնախարարի ազատումների շքերթը ոչ միայն Արցախի քաղաքական ուժերին, այլ նաև գործադիրի, օրենսդիրի ու ուժային կառույցների ներկայացուցիչներին է անակնկալի բերել: Մեր օրաթերթի՝ արցախյան աղբյուրները փոխանցեցին, որ մինչև այս պահը նոր անուններ չեն շրջանառվում: «Այդ տեղեկությունը նա խիստ գաղտնի է պահում: Հայտնի էլ չէ, թե այս մասով ո՞ւմ հետ է քննարկումներ ունենում, կամ, առհասարակ, քննարկումներ ունենում է, թե՛ ինքն

անձամբ է որոշումներ կայացնում»,- ասաց մեր զրուցակիցն ու ավելացրեց, որ Արցախի կառավարական նոր կաբինետն, ըստ երեսույթին, արցախցիներից չի ձեռավորվի: «Կամ Հայաստանից կադրեր կբերի, կամ էլ՝ դրսից: Անընդհատ շեշտում է, թե այսօր Արցախում ոչ ստանդարտ լուծումներ են պետք, ու դրա համար, ըստ երեսույթին, «ոչ ստանդարտ» լուծումների մասնագետների առաջին պլան կբերի»,- ավելացրեց մեր զրուցակիցը:

ԻՐԱՎԻՃԱԿ Է ՓՈԽՎԵԼ

2019 թվականին, երբ Ռուսաստանի նախագահ Վլադիմիր Պուտինը կրկին Երևան էր ժամանել՝ մասնակցելու ԵԱՏՄ ընդլայնված նիստին, այդ ժամանակ նրան «Զվարթնոց» օդանավակայանում ոչ թե Հայաստանի վարչապետ Նիկոլ Փաշին-

յանը, այլ փոխվարչապետ Միքիլ Գրիգորյանն էր դիմավորել: Միջադեպը թե՛ քաղաքական վերլուծաբանների, թե՛ քաղաքական գործիչների սուր քննադատությանն էր արժանացել, բոլորը մեղադրել էին Փաշինյանին, թե նման գործելաճանձն նա ստվեր է գցում հայ-ռուսական դաշնակցային հարաբերությունների վրա: Ու թեև Փաշինյանը նույն օրը՝ երեկոյան, ՌԴ նախագահին անձամբ էր ճանապարհել «Զվարթնոց» օդանավակայանից, բայց ես հայտարարել էր, թե հայ-ռուսական հարաբերություններն այժմ նոր օրակարգով են ընթանում:

Այսօր արդեն, երբ ՀՄՊԿ զագաթնաժողովի շրջանակներում Պուտինը կրկին Հայաստանում է, նրան Փաշինյանն անձամբ է դիմավորել, ավելին՝ Պուտինի հետ նույն ավտոմեքենայով Դվին հյուրանոց՝ զագաթնաժողովի անցկացման վայր է մեկնել: Փաշինյանի համար, փաստորեն, այժմ իրավիճակ է փոխվել:

Ս. ՎԱՐՈՂՈՍՅԱՆ



ԻՐԱՎԻՃԱԿ ԵՍՏՄԱՆԻՆ

«Մեզ մոտ ամեն ինչ նման է: Այս պահին ես դիրքերի տակ վար եմ անում, որովհետև կրակոց չկա»: Այս մասին ArmLur.am-ի հետ զրույցում ասաց Գեղարքունիքի մարզի սահմանամերձ Կուտական վարչական շրջանի ղեկավար Մակիչ Թովմասյանը:

Նշենք, որ նոյեմբերի 22-ին՝ ժամը 22:00-22:45-ը, Ադրբեջանի ԶՈՒ ստորաբաժանումները տարբեր տրամաչափի հրաձգային զինատեսակներից կրակ են բացել հայ-ադրբեջանական սահմանի արեւելյան հատվածում տեղակայված հայկական դիրքերի ուղղությամբ:

Հայկական կողմը կորուստներ չունի: Նոյեմբերի 23-ի՝ ժամը 10:00-ի դրությամբ, իրադրությունն առաջնագծում հարաբերականորեն կայուն է:

ՊԱՐԶԱԲԱՆՈՒՄ ԵՆ ՍՏԵՓԱՆԱԿԵՐՏԻՑ

Դեռևս այս տարվա հունվարին հասարակական կազմակերպությունների ներկայացուցիչների հետ Ստեփանակերտում տեղի ունեցած հանդիպումից հետո Արցախի նախագահ Արայիկ Հարությունյանը խոսել էր Սահմանադրության հնարավոր փոփոխության մասին:

Սահմանադրական փոփոխությունները, ինչպես ավելի ուշ մանրամասնեցին, նախագահական համակարգից հրաժարվելու եւ կիսանախագահական վերադառնալու համար էին արվելու: Նպատակը, ըստ արցախյան քաղաքական տարբեր ուժերի ներկայացուցիչների, Արցախի համար վճռորոշ որոշումներ ընդունելիս՝ կոլեկտիվ պատասխանատվությամբ առաջնորդվել էր:

Սակայն նոյեմբերի 23-ին, Արցախի Ազգային ժողովի արտահերթ նիստի ժամանակ Արցախի նախագահ Արայիկ Հարությունյանը դիմել է Արցախի ԱԺ նախագահին՝ ԱԶ Սահմանադրության փոփոխության նախագիծը վերադարձնելու նպատակով:

«Ինչո՞ւ է նախագիծը հետ կանչվում, արդյո՞ք սա Սահմանադրությունը փոփոխելու մտքից հետ կանգնել է նշանակում»,- հարցն Արցախի նախագահի մամուլի քարտուղար Լուսինե Ավանեսյանին ուղղեցինք:

Ի պատասխան՝ նա նշեց, որ Արցախի նախագահը սահմանադրական բարեփոխումների հետագա գործընթացի վերաբերյալ առաջիկայում շարունակելու է քաղաքական կոնսուլտացիաները:

ԱՐՏԱՐԵՐԹ ՆԻՍՏ

Ազգային ժողովը այսօր՝ նոյեմբերի 24-ին, արտահերթ նիստ կգումարի: ArmLur.am-ը տեղեկացավ, որ արտահերթ նիստի օրակարգում հիմնական հինգ հարց-օրինագիծ է ներառված, որոնք իրենց հերթին մի քանի ենթահարցեր ու օրենսդրական փաթեթներ են ներառում:

Խորհրդարանականները կքննարկեն «Ազգային անվտանգության մարմինների ծառայության», «Ավտոմոբիլային տրանսպորտի», «Ժամանակավոր անաշխատունակության եւ մայրության», մասին օրենքներում, ինչպես նաև Հայաստանի Հանրապետության հարկային ու Ընտրական օրենսգրքերում լրացումներ ու փոփոխություններ անելու հարցերը:

ՈՂ ՊՐՈՖԵՍԻՈՆԱԼ

ՈՂՔ ԻՆՍՏԻՏՈՒՏԸ՝ ՄԻ ՀԱՐԿԱԲԱԺՆՈՒՄ

ՆԱԽԱԳԻԾ Է ՆԵՐԿԱՅԱՑՎԵԼ

Պայթուցիկ կյուբերի, պայթեցման սարքավորումների ներկրումը, պահեստավորումը, կիրառումը (շահագործումը), ինչպես նաև հրագործական, արտադրատեսակների, ներմուծմամբ զբաղվելու գործունեությունը, արտադրությունը, պահեստավորումը, առևտուրը եւ կիրառումը կղաճառա պարտադիր լիցենզավորման ենթակա գործունեության տեսակ: Այդպիսի նախագիծ է ներկայացրել ԱԺ «Քաղաքացիական պայմանագիր» խմբակցության պատգամավոր Սիսակ Գաբրիելյանը: Հիմնավորման մեջ նշվում է, որ այս նախագիծը ներկայացնելու համար հինգ է հանդիսացել այս թվականի օգոստոսի 14-ին Երեւան քաղաքի «Սուրմալու» ամետորի կենտրոնում տեղի ունեցած խոշոր աղետը: Ներկայումս հրագործական կյուբերի արտադրությունը, ներմուծումը եւ առևտուրն իրականացվում են «Գործունեության իրականացման ծանուցման մասին» ՀՀ օրենքով սահմանված ծանուցման ենթակա գործունեության իրականացման պարզ ընթացակարգով, սակայն նշվում է, որ այդ գործառնություններն իրենց մեջ պարունակում են անվտանգության, առողջապահական եւ այլ բաղադրիչներ, ուստի անհրաժեշտություն է առաջացնել գործընթացը բերել լիցենզավորման դաշտ, ինչը հնարավորություն կտա վերահսկողության ավելի գործուն միջոցներ ձեռնարկելու եւ լիցենզիաների տրամադրման ելակետային չափորոշիչներ եւ պարտադիր պահանջներ սահմանելու համար: Հրագործական արտադրատեսակների արտադրությունը, վտանգավորության աստիճանով պայմանավորված, առաջարկվում է նաև դարձնել որպես փորձաքննության ենթակա լիցենզավորման գործունեության տեսակ այն մոտեցմամբ, ինչը նախատեսված է պայթուցիկ կյուբերի եւ պայթեցման սարքավորումների արտադրության պարագայում: Նշվում է նաև, որ նախագիծը մշակվել է Երեւանի փոխքաղաքապետ Տիգրան Ավինյանի եւ ՀՀ արտակարգ իրավիճակների նախարարության մասնակցությամբ:

ՀՐԱԺԱՐՎԵԼ Է ՑՈՒՑՄՈՒՆՔ ՏԱԼ

ArmLur.am-ի բացառիկ տեղեկությունների համաձայն՝ Գագիկ Բեգարյանը հրավիրվել է ԱԱԾ եւ ծանոթացել ԱԱԾ-ի կողմից իր նկատմամբ հարուցված քրեական վարույթին, սակայն մեր տեղեկություններով՝ երբ հերթը հասել է հարցաքննության, Գագիկ Բեգարյանն ասել է, որ օգտվելով իր իրավունքից՝ հրաժարվում է ցուցմունք տալ: Ասել է, թե 24 գույքի համաշխարհային գործով Երեւանի քաղաքապետը հրաժարվել է ցուցմունք տալ: Հիշեցնենք, որ օրերս Գլխավոր դատախազությունում ուսումնասիրվել է Ազգային անվտանգության ծառայության քննչական դեպարտամենտում քննվող քրեական վարույթը, որի ընթացքում պարզվել է, որ 2002-2010 թվականների ընթացքում Երեւան քաղաքի Կենտրոն թաղային համայնքի ղեկավարի, այնուհետեւ Երեւանի քաղաքապետի պաշտոնը զբաղեցրած Գ.Բ.-ն, պաշտոնական դիրքն օգտագործել է ծառայության շահերին հակառակ, ինչպես նաև պաշտոնական դիրքի օգտագործմամբ, յուրացման եղանակով համաշխարհային եւ առանձնապես խոշոր չափերի՝ Երեւան քաղաքում եւ այլ բնակավայրերում գտնվող բազմաթիվ անշարժ գույքեր: Խոսքը 24 գույքի եւ երեք հողամասի մասին է:

ՀՀ Առողջապահության նախարարությունը 2022 թվականի ապրիլի 7-ի Կառավարության որոշման համաձայն՝ միաձուլման ձեռով վերակազմակերպեց երկու անհամաեղելի կառույցների՝ «Մաշկաբանության ազգային կենտրոն» եւ «Այրվածքաբանության ազգային կենտրոն»-ները՝ ստեղծելով Հայաստանի Հանրապետության առողջապահության նախարարության «Այրվածքաբանության եւ մաշկաբանության ազգային կենտրոն» ՓԲԸ:

«Ժողովուրդ» օրաթերթը տեղեկացավ, որ ՀՀ Առողջապահության նախարարությունը որոշում է կայացրել Դավիթաշեն վարչական շրջանում գտնվող Այրվածքաբանության ազգային կենտրոնի տարածքը տրամադրել Պետական առողջապահության գործակալությանը (ՊԱԳ)-ին, իսկ Այրվածքաբանության ազգային կենտրոնը նախատեսվում է տեղափոխել «Սուրբ Գրիգոր Լուսավորիչ» ԲԿ՝ տեղավորելով մի հարկում: Գլխավորն այն է, որ նախարար Ավանեսյանի սրտի ֆինանսիստը՝ ՊԱԳ ղեկավար Ահարոն Բարսեղյանը, ունենա առանձին մասնաշենք: Հիշեցնենք, որ Բարսեղյանը այստեղ է տեղափոխվել աշխատանքի Անահիտ Ավանեսյանի մայրիկին պատկանող տարածքում գտնվող «Վիզմոր» կլինիկայի ֆինանսիստի հաստիքից: Իսկ նախարարն ամեն ինչ անում է՝ հրապարակավ ապացուցելու, թե «Վիզմոր» կլինիկայի հետ որեւէ առնչություն չունեն ընտանքով:

Ինչեւէ, դառնալով կայացված որոշմանը՝ նշենք, որ «Ժողովուրդ» օրաթերթը բազում դժգոհություններ է ստացել այն մասին, որ Առողջապահության նախարարության անհեթեթ որոշման արդյունքում կրճատվում է աշխատակիցների հաստիքացուցակը եւ ավելանում է գործազրկությունը:

Ամեն դեպքում, խնդրի առնչությամբ «Ժողովուրդ» օրաթերթը կապ հաստատեց կողմերի հետ՝ հասկանալու, թե ինչպես պետք է մեկ հարկաբաժնում կազմակերպվի մի հսկա կառույցի աշխատանքը: Այրվածքաբանության ազգային կենտրոնի տնօրեն Արթուր Բերբերյանն ասաց, թե. «Բոլոր հարցերով դիմեք



Առողջապահության նախարարություն»:
Իսկ, ահա, «Մաշկաբանության ազգային կենտրոնի» տնօրեն Հովհաննես Հովհաննիսյանն ասաց, որ շարունակում են կատարել իրենց մասնագիտական պարտականությունները, ավելին ասել չի կարող: Այսպիսով՝ ՀՀ առողջապահության իրավաբան նախարարը իր ոչ պրոֆեսիոնալ մոտեցմամբ եւս մեկ անգամ հարցականի տակ է դնում առողջապահական ոլորտի երկու կարեւոր ուղղությունների գործունեությունը՝ արդյունքում խառնաշփոթ ստեղծելով առողջապահական ոլորտում: Հիշեցնենք, որ նախարար Անահիտ Ավանեսյանն առողջապահական ոլորտի հետ որեւէ առնչություն չունի: Ավելին՝ Կառավարության որոշման մեջ անգամ մեկ նախադասությամբ ընդգծված չէ, թե ինչ է լինելու «Մաշկաբանության ազգային կենտրոնի» ճակատագիրը:

Բայց սա չի խանգարում, որ լայն ժպիտով գնա, կանգնի եւ լուսանկարվի ճապոնացիների կողմից նվեր ուղարկված շտապօգնության մեքենաների ֆոնին:
ԼԻՂԱ ԵՐԻԱԶՈՐՅԱՆ

ՕՐՎԱ ԽՃԱՆԿԱՐ

ՀԱՅՏՆԻ Է ՎԱՅԻՐԸ

Նոյեմբերի 22-ին տեղի է ունեցել «Քաղաքացիական պայմանագիր» կուսակցության վարչության նիստ, որը վարել է վարչության նախագահ, ՀՀ վարչապետ Նիկոլ Փաշինյանը:

Այս մասին տեղեկացնում են կուսակցությունից:

Նշվում է, որ քննարկվել է վարչության նախորդ նիստում կայացված մի շարք որոշումների կատարման ընթացքը, որոշվել է կուսակցության քաղաքական ժողովի առաջին նիստը անցկացնել ղեկավարի՝ Ջերմուկ քաղաքում:

Որոշվել են վարչության նախագահի տեղակալների համակարգման ուղղությունը. տեղակալների նշանակումը տեղի կունենա առաջիկա նիստերից մեկում: Քննարկվել է լրամշակման է ուղարկվել կուսակցության աշխատակազմի հաստիքացուցակը:

Նիստի ընթացքում մտքեր են փոխանակվել Գյումրիի եւ Սպիտակի ավագանիների՝ «Քաղաքացիական պայմանագիր» խմբակցությունների գործունեության վերաբերյալ:

Օրակարգում ընդգրկված են եղել նաև աշխատակազմային հարցեր:

ԵՌԱԿՈՂՄ ՀՈՒՇԱԳԻՐ

Կարելու է 2016 եւ 2020թթ. ռազմական գործողությունների մասնակիցների կրթության, աշխատաշուկայում մրցունակության բարձրացման եւ զբաղվածության ապահովման ուղղությամբ պետություն-մասնավոր հատված ջանքերի համախմբումը՝ Աշխատանքի եւ սոցիալական հարցերի նախարարության, «Ջինժառայողների կյանքին կամ առողջությանը պատճառված վնասների հատուցման» եւ «Ձեռնարկությունների ինկուբատոր» հիմնադրամների միջեւ համագործակցության հուշագիր է ստորագրվել:

Նախարարությունից հայտնում են, որ հուշագրի շրջանակում կողմերը պարտավորվել են ստեղծել առցանց հարթակ, որի միջոցով կհամակարգվի պետության վերաբերյալ:

տության, հասարակական կազմակերպությունների, հիմնադրամների եւ մասնավոր հատվածի աշխատանքները: Հարթակը հնարավորություն կտա նույնականացնել շահառուներին, համադրել տարբեր կառույցների կողմից նրանց տրամադրվող ծառայությունները եւ գնահատված կարիքի հիման վրա ուղղորդել նպատակային աջակցություն ստանալու:

ԱՐՑԱՄԻ ԱԳ ՆԱԽԱՐԱՐ

ՀՀ արտաքին գործերի նախկին նախարար Վարդան Օսկանյանը կնշանակվի Արցախի ԱԳ նախարար: Այս մասին հայտնում են MediaHub-ի արցախյան աղբյուրները: Ավելի վաղ հայտնել էինք, որ Արցախի նախագահ Արայիկ Հարությունյանի հրամանագրով՝ Դավիթ Բաբայանն ազատվել է արտաքին գործերի նախարարի պաշտոնից եւ նշանակվել արտաքին գործերի նախարարի ժամանակավոր պաշտոնակատար:

ԻՐԱՎԱԿԱՆ

ԴԻՄՈՒՄ ԴԱՏԱՐԱՆ

ՈՍՏԻԿԱՆՍՊԵՏԸ՝ ԸՆԴՈՒՄ ԶԻՆԾԱՌԱՅՈՒՆԵՐԻ ԾՆՈՂՆԵՐԻ

ArmLur.am-ին հայտնի դարձավ, որ ՀՀ ոստիկանությունը դիմել է ՀՀ վարչական դատարան՝ ընդդեմ 44-օրյա դատազրկման գործում...



Նույնպես պետի տեղակալ Արա Ֆիդանյանը: Մեզ հասած տեղեկությունների համաձայն՝ երբ Քննչական կոմիտեում քրեական գործ կամ վարույթ է հարուցվել, ոստիկանությունը որոշել է ներքին անվտանգության վարչությունում առկա քննությունը կատարել մինչև այդ քրեական գործի ավարտը:

որել ոստիկան կամ հրաման տվող սպա պատասխանատվության չի ենթարկվել: Նշենք, որ կան ծնողներ, որոնց մարմնական վնասվածքներ ստանալու փաստը փորձաքննությանը հաստատված է, ծնողները տուժող են ճանաչվել, սակայն ոչ ոք պատասխանատվություն չի կրել առ այսօր:

Նկատենք, որ ոստիկանությունը բավականին ակտիվ կերպով մտել է դատարան ել բարձրացնում է ծնողներին պատասխանատվության ենթարկելու հարցը, իսկ ով պետք է պատասխան տա ծնողների նկատմամբ բռնության դեպքում: Այդ միջադեպից անցել է 2 ամիս, եւ մինչ օրս քրեական վարույթով որել մեկը պատասխանատվության չի ենթարկվել, ոստիկանապետ Վահե Ղազարյանը հրաժարական չի տվել եւ այս պայմաններում դատի է տվել ծնողներին, սա է Հայաստանի արդարադատությունը: Իսկ թե ինչ կա՛նի դատարանը, կհետեւենք զարգացումներին:

«Ժողովուրդ» օրաթերթը գրել էր, որ մեր տեղեկություններով՝ 2022 թվականի սեպտեմբերի 21-ին «Եռաբլուր»-ում տեղի ունեցած խայտառակ միջադեպի առիթով ծառայողական քննությունը կատարվել է: Հիշեցնենք, որ «Եռաբլուր» զինվորական պահեստում տեղի ունեցած բաշտումի առիթով ՀՀ ոստիկանության ներքին անվտանգության վարչությունում ծառայողական քննություն էր սկսվել:

ԼՈՒՐԵՐ

ԹՄԲԱՄԻՋՈՅԻ ԻՐԱՅՄԱՆ ԳԵՊԸ

Նոյեմբերի 14-ին ոստիկանության Աշտարակի բաժնի քրեական հետախույզները թմրանյութ պահելու, օգտագործելու եւ իրացնելու կասկածանքով ձերբակալել են Բյուրականի 45-ամյա մի բնակիչի:

Նախաձեռնվել է քրեական վարույթ: Նոյեմբերի 15-ին իրավապահները խուզարկել են եւ բյուրականցու, եւ ղազարականցու բնակության վայրերը: Ղազարականցու հայտնաբերվել է կանեփաման բույս, իսկ Բյուրականում եղել են կանեփաման զանգվածներ՝ ընդհանուր 260 գրամից ավելի քաշով, կիսաչոր, կանեփաման 24 բույս, 2 կաթուցիչ, նաեւ պայթուցիկ նյութ՝ քուրդով:

Նրա հայտնաձեռնված կանեփի ինքն էր ցանկելու մշակել, նաեւ թմրանյութ իրացրել էր համապետության 45-ամյա տղամարդուն, որին Արտաշատի ոստիկանները ձերբակալել էին նախորդ օրը: Բյուրականցի տղամարդը կալանավորվել է:

Ապօրինի թմրաշրջանառության եւս մեկ դեպք Աշտարակի ոստիկանները բացահայտել են նոյեմբերի 18-ին՝ այս անգամ Արագածոտնի մարզային վարչության գործընկերների հետ ուժեղացված ծառայություն իրականացնելիս: Երեկոյան ժամը հինգին Աշտարակի Տիգրան Մեծի փողոցում նրանք ձերբակալել են բաժին են տեղափոխել Երեանի բնակիչ, 27-ամյա մի երիտասարդի: Նրա խուզարկությանը հայտնաբերվել է մարիխուանայի նմանվող զանգվածով երկու փաթեթ:

Ապօրինի թմրաշրջանառության հաջորդ բացահայտումը նոյեմբերի 21-ին էր: Իրացնելով օպերատիվ տվյալները՝ Աշտարակի Ղազար Փարպեցու փողոցում Աշտարակի քրեական հետախույզները ձերբակալել են բաժին են տեղափոխել Արմավիրի մարզի Մայիսյան համայնքի բնակիչ, 30-ամյա մի տղամարդու: Նրա խուզարկությանը հայտնաբերվել են մարիխուանայի նմանվող զանգված ու մոխրացած հետքերով կաթուցիչ:

Բոլոր դեպքերով նշանակվել են փորձաքննություններ, հանգամանքները նախաքննությամբ պարզվում են:

ԱՊՕՐԻՆԻ ԾԱՌԱՋԱՏՈՒՄ

Ոստիկանության Վալքի բաժնի ծառայողներն օրերս կազմակերպել էին ուժեղացված ծառայություն, որի ընթացքում Ազատել բնակավայրում բացահայտվել է ապօրինի ծառահատման երկու դեպք: 54-ամյա եւ 50-ամյա երկու բնակիչի հողամասերի հարակից ձորակներում հայտնաբերվել է ընդհանուր 15 հատված ուռենի: Ոստիկանությունից հայտնում են, որ պարզվել է, որ ծառերը ապօրինի հատել են վերոհիշյալ տղամարդիկ:

Ոստիկանությունը շարունակելու է հետադարձ կապի իրականացնել ապօրինի ծառահատումները բացահայտելու եւ կանխելու ուղղությամբ: Դեպքերի վերաբերյալ կազմված փաստաթղթերն ուղարկվել են Վայոց Ձորի մարզային քննչական վարչություն: Հանգամանքները պարզվում են:

ԼՈՒՐԵՐ

ԳԱՆԱԿԱՐԱԲԵԼ ԵՆ

Նոյեմբերի 18-ին ոստիկանության Նոր Նորքի բաժնում հարդրում էր ստացվել, որ Բաղյան փողոցի թիվ 9 շենքի մուտքի մոտ մի խումբ անձինք ծեծել են մի տղամարդու եւ դանակահարել նրան: 42-ամյա տուժողը տեղափոխվել էր «Սուրբ Գրիգոր Լուսավորիչ» բժշկական կենտրոն: Ոստիկանությունից հայտնում են, որ ախտորոշվել էր պոլիտրավմա: Ոստիկանության Նոր Նորքի բաժնից դեպքի վայր մեկնած օպերատիվ խումբը կարճ ժամանակում պարզեց կատարվածի հանգամանքները: Դեպքից ժամեր անց բաժնի քրեական հետախույզները Մուրդակյան փողոցում հայտնաբերել են ձերբակալել են 18-ամյա մի երիտասարդի: Հանցագործության գործից դանակը հայտնաբերվել է: Կատարվում է նախաքննություն:

Հանգամանքները պարզվում են:

ԿԵՂԾ

ԵԶՐԱԿԱՅՈՒԹՅՈՒՆ

Գլխավոր դատախազությունը 2022 թվականի հոկտեմբերի 28-ին տեղեկացրել էր, որ 2001 թվականի սեպտեմբերի 25-ին, Երեան քաղաքի «Առաքատ» սրճարանի զուգարանի միջանցքում Պողոս Պողոսյանին կյանքից զրկելու դեպքի առթիվ հարուցված քրեական գործով փորձագետներ Շ.Գ.Ի եւ Գ.Յ.Ի կողմից ակնհայտ կեղծ եզրակացություն տալու փաստով 2022 թվականի հոկտեմբերի 26-ին նախաձեռնվել է քրեական վարույթ: Դատախազությունից հայտնում են, որ նշված վարույթի շրջանակում նախաքննության օրինականության նկատմամբ հսկողություն իրականացնող դատախազի կողմից 2022 թվականի նոյեմբերի 17-ին դատաբժիշկներ Շ.Գ.Ի եւ Գ.Յ.Ի նկատմամբ կայացվել են հանրային քրեական հետապնդում հարուցելու մասին որոշումներ եւ դրանք ուղարկվել են նախաքննություն իրականացնող քննիչին՝ մեղադրյալներին ներկայացնելու համար: 2022 թվականի նոյեմբերի 21-ին հսկող դատախազի համաձայնությամբ նախաքննություն իրականացնող քննիչի կողմից որոշումներ են կայացվել պայմանագրային հիմունքներով աշխատող մեղադրյալներ Շ.Գ.Ի եւ Գ.Յ.Ի նկատմամբ պաշտոնավարման կասեցումը որպես խափանման միջոց ընտրելու մասին, ինչը ենթադրում է վերջիններիս լիազորությունների իրականացման կամ աշխատանքային գործունեության ժամանակավոր ընդհատում: Որոշման պատճենն ուղարկվել է ՀՀ առողջապահության բժշկության գիտագործական կենտրոն՝ այն կատարելու համար:

ՆԻՍՏԸ ՀԵՏԱԶԳՎԵՑ

Երեկ Երեանում ընթանում էր ՀԱՊԿ նիստը: Այս հանդիպման հետեւանքով դատական համակարգը կարծես պարալիզացվել էր: Մասնավորապես դատական նիստեր էր հետաձգվել, քանի որ դատախազները չէին կարողացել հասնել դատարաններ: Իսկ այդ ժամանակ Հարկառույցից դատարանում Գարեգին Բ-ի դատախազ եղբորորդու գործով դատական նիստը հետաձգվել էր նույն պատճառով: Ավելին՝ կալանավորներին կալանավայրերից շատ շուտ էին բերել դատարան, որպեսզի խցանման մեջ չընկնեն, սակայն դատախազները չէին կարողացել ժամանակին հասնել դատարան: Բ. ՄԱՆՈՒԿՅԱՆ

● Ըստ ոստիկանության տվյալների՝ նոյեմբերի 22-ից 23-ը Հայաստանի Հանրապետությունում բացահայտվել է հանցագործության 61 դեպք, որից 4-ը՝ նախկինում կատարված:

ՍՈՑԻԱԼԱԿԱՆ

ԼՈՒՐԵՐ

ՉԵՌՆՊԱՐ ՄԵԱԼ ԽԱՄՏՈՒՄՆԵՐԻՑ

Մրցակցության պաշտպանության հանձնաժողովը հորդորում է տնտեսվարող սուբյեկտներին «Սեւ ուրբաթ»-ի ժամանակ հաճախակի կիրառվող գեղջերի եւ այլ ակցիաների ընթացքում խստիվ պահպանել տնտեսական մրցակցության պաշտպանության օրենսդրության դրույթները: 31-րդ նուստի մեջ են մտել Հանձնաժողովի նախաձեռնությամբ ընդունված ««Վեւեւ»-ի եւ ծառայությունների մասին» օրենքում լրացումներ կատարելու մասին» օրենքը եւ հարակից օրենքները, որոնցով կարգավորումներ են սահմանվել գեղջերի եւ այլ ակցիաների համար: Ըստ այդմ ապրանքի կամ ծառայության գինը գեղջվում է նախորդ ամսվա միջին գնից, ակցիա իրականացնողն ապահովում է միջին եւ գեղջված գների միաժամանակյա տեսանելիությունը սպառողի համար, միջակայքով գեղջի դեպքում առավելագույն շեմով գեղջը կիրառվում է ակցիային մասնակցող ապրանքների կամ ծառայության առնվազն 1/5-րդի նկատմամբ: Օրինակ՝ եթե հայտարարվում է 20-70% կամ մինչեւ 70% գեղջ 100 ապրանքի համար, դրանցից առնվազն 20-ը պետք է գեղջվի 70%-ով, գեղջերի եւ այլ ակցիաների իրականացման առավելագույն ժամկետը 3 ամիս է, ակցիա իրականացնողը չի կարող ապրանքի հետ նվեր տալ՝ միաժամանակ տվյալ ապրանքի գնի այնպիսի բարձրացում իրականացնելով, որով նվերի գինը մասնակի կամ ամբողջությամբ կներառվի այդ գնի մեջ, նոր պահանջներ են սահմանվել նաեւ ակցիաների իրագրելիության համար, մասնավորապես պարտադիր պետք է նշվի ակցիայի բնույթը, մեկնարկի եւ ավարտի օրերը եւ այլն, իսկ ակցիայի պայմանների վերաբերյալ հրապարակման բովանդակության ամենամեծ եւ ամենափոքր տառաչափերի տարբերությունը չի կարող երկու անգամից ավելի լինել:

Օրենքով սահմանված պահանջներին չհամապատասխանող ակցիայի իրականացումը կարող է հանգեցնել անբարեխիղճ մրցակցության, որի դեպքում կարող է նշանակվել տուգանք տնտեսվարողի՝ տվյալ իրավախախտմանը նախորդող տարվա հասույթի մինչեւ 5 %-ի չափով:

ՀԻՊՐՈՒԼԵԿՏԻՎԱԿԱՆ ԿԱՌՈՒՑՈՒՄ

Ակտիվ շինարարական աշխատանքներ են ընթանում 17 մեգավատ հզորությամբ «Գետավան» հիդրոէլեկտրակայանի կառուցման ուղղությամբ: Այս մասին Նոյեմբերի 23-ին Ազգային ժողովի հեթական նիստում ասել է Արցախի Հանրապետության նախագահ Արայիկ Հարությունյանը՝ նշելով, որ հիդրոէլեկտրակայանի շինարարությունն իրականացվում է պետական միջոցներով: «Եթե ֆինանսական միջոցները բավարարեն, նախատեսվում է կառուցումն ավարտել գալիք տարում, եթե ոչ, ապա անպայման կավարտվի 2024 թվականին», - մանրամասնել է նախագահ Հարությունյանը՝ հավելելով, որ «Գետավան» հիդրոէլեկտրակայանի կառուցման շնորհիվ Հանրապետությունն ամբողջությամբ կդադարի ինքնաբավ:

ՆՈՐ ՄԵԹՈՂՆԵՐ

ՓՈՐՉԱԳԻՏԱԿԱՆ ԲՆՆԱՐԿՈՒՄ ԵՊՔ-ՈՒՄ

ԵՊՔ-ում ՀՀ կրթության, գիտության, մշակույթի եւ սպորտի նախարարության, Հայաստանում «Էրազմուս+» ծրագրի ազգային գրասենյակի ու Երեւանի դեսպանի համալսարանի համաձայնագրով կազմակերպվել էին «Դասավանդման եւ ուսումնառության մեթոդներ» խորագրով թեմատիկ հանդիպում եւ դասընթացի ֆինանսավորում:



տարում կկարողանանք ժամանակակից մեթոդները ներդնել մեր բուհական համակարգում», - նշել է Կարեն Թեռնույանը:

ԵՊՔ ակադեմիական/ուսումնական գծով պրոռեկտոր Էլինա Ասրիյանի կարծիքով՝ դասավանդման եւ ուսումնառության վերաբերյալ փորձագիտական քննարկումները կրթական գործընթացում կարեւորագույն դեր ունեն. «Պատասխանատվությունը եւ հետաքրքրությունն ընտրված թեմայի վերաբերյալ իսկապես կարեւոր են: Սա լավագույն հնարավորությունն է բարձրաձայնելու այնպիսի խնդիրներ, որոնք անհանգստացնում են կրթության ոլորտի մեր գործընկերներին: Լիազորված եմ, որ լավագույն փորձի ներկայացումը մեծապես կնպաստի առկա խնդիրների լուծմանը»:

Հայաստանում «Էրազմուս+» ծրագրի ազգային գրասենյակի համակարգող Լաւա Կարոյանը հաստատեց ընդգծել է քննարկվող թեմայի ընդգրկումությունը, ինչպես նաեւ փաստել, որ ծրագիրը միավորել է կրթության ոլորտի ներկայացուցիչներին եւ ստեղծել բացառիկ հնարավորություն լավագույն օրինակելի փորձը ներկայացնելու, կիրառելու, առկա խոչընդոտները վերհանելու առումով:

«Դասավանդման եւ ուսումնառության մեթոդներ» խորագրով թեմատիկ հանդիպման ընթացքում ներկայացվել են Եվ-

րոպական միության «Էրազմուս+» ծրագրի շրջանակում առաջարկվող լավագույն փորձն ու հնարավորությունները, ծրագրի իրագործման ընթացքում առաջացած խնդիրները, ինչպես նաեւ քննարկվել են բարձրագույն կրթության ոլորտում կարողությունների զարգացման «PRINTeL», «ABIONET», «TOPAS», «MENVIPRO», «REFINE» ծրագրերը:

Վերոնշյալ ծրագրերի շրջանակում ուսումնասիրվել են դասավանդման մեթոդների եւ աշխատաշուկայի պահանջների համապատասխանությունը, ուսումնական ծրագրերում նորարարությունների, կարճաժամկետ դասընթացների ներդրումը եւ կարեւորագույն այլ հարցեր, որոնք տեսանելի են դարձնում կրթական ծրագրերի արդիականությունն ու միջազգայնացումը:

«Դասավանդման եւ ուսումնառության մեթոդներ» խորագրով թեմատիկ հանդիպմանը մասնակցել է ՀՀ շահառու տարբեր բուհերի դասախոսական եւ ուսանողական կազմի ավելի քան 100 ներկայացուցիչ, որի ընթացքում հարցուպատասխանի ձեւաչափով տեղի են ունեցել քննարկումներ:

Մասնակիցները բարձրաձայնել են իրենց հուզող հարցերը եւ կարծիքներ փոխանակել, պայմանավորվածություն է ձեռք բերվել ըստ ուղղությունների ձեւավորել խմբեր, որոնք ժամանակ առ ժամանակ կհանդիպեն եւ կրթության կազմակերպման բովանդակության մեջ փոփոխություններ կսկսեն իրենց բուհերում:

Որպես ամփոփում նշվել է, որ նմանօրինակ քննարկումների ընթացքում ոչ միայն մասնակցություն են կրթական գործընթացում առկա խնդիրները, այլեւ առաջարկվում են արդյունավետ լուծումներ եւ նոր մոտեցումներ, որոնք նպատակաուղղված են կրթության որակի բարելավմանը, միջազգային լավագույն փորձի ներդրմանը:

Ս. Գ.

ՀԱՅՏԱՐԱՐՈՒԹՅՈՒՆՆԵՐ

ՆԵՐԹԱԿԱՆ ՏԵՂԱԲԱՇԽՈՒՄ

«Կոնվերս» բանկը սույն թվականի Նոյեմբերի 22-ին մեկնարկում է արժեկտրոնային պարտատոմսերի հեթական տեղաբաշխումը 3 մլրդ ՀՀ դրամ եւ 10 մլն ԱՄՆ դոլար ընդհանուր ծավալով: Պարտատոմսերի արժեկտրոնային եկամտաբերությունը համապատասխանաբար 10.5% եւ 3.75% է, արժեկտրոնի պարբերականությունը՝ կիսամյակային:

«Կոնվերս» բանկի պարտատոմսերը հնարավոր կլինի ձեռք բերել ինչպես Բանկի մասնաճյուղերում, այնպես էլ Սոբայլ հավելվածի միջոցով, որտեղ հաշված թուղթերի ընթացքում օգտատերը կարող է անցնել պարտատոմսերի գնման ողջ գործընթացը: Հավելվածում հասանելի է նաեւ ամբողջ տեղեկատվությունը թողարկման մասին:

Մոբայլ հավելվածում պարտատոմս ձեռք բերելու համար անհրաժեշտ կլինի Հավելվածի գլխավոր էջից մուտք գործել հայտերի բաժին՝ սեղմելով + նշանը, այնուհետեւ մուտք գործել «Կատարել ներդրում» էջ եւ հետեւել հրահանգներին:

Տեղաբաշխման ավարտից հետո պարտատոմսերը կցուցակվեն «Հայաստանի ֆոնդային բորսա» ԲԲԸ-ում՝ երկրորդային շուկայում շրջանառվելու համար: Ներկա պահին ՀՀ ֆոնդային բորսայում գնանշ-

վում է Բանկի 5 մլրդ ՀՀ դրամ եւ 20 մլն ԱՄՆ դոլար ընդհանուր ծավալով պարտատոմս:

Պարտատոմսերում ներդրումներն, ի տարբերություն ավանդի, ազատված են հարկերից: Պարտատոմսերը հնարավոր է վաճառել երկրորդային շուկայում մինչեւ դրանց մարման ժամկետը: Պարտատոմսերով ներգրավված դրամական միջոցները երաշխավորված են Ավանդների հատուցումը երաշխավորող հիմնադրամի կողմից:

Թողարկման եւ տեղաբաշխման մասնաբաժնիներն, Ծրագրային ազդագրի եւ Թողարկման վերջնական պայմանների կարելի է ծանոթանալ այս հղումով:

Բանկը վերահսկվում է ՀՀ ԿԲ կողմից:

ՊԱՐՏԱՏՈՄՍԵՐԻ ՏԵՂԱԲԱՇԽՈՒՄ

«Ակբա» բանկը 2022 թվականի դեկտեմբերի 1-ից մինչեւ 2023 թվականի հունվարի 31-ը ներառյալ հրապարակային առաջարկով տեղաբաշխելու է 5.000.000 (հինգ միլիոն) ԱՄՆ դոլար եւ 3.000.000.000 (երեք միլիարդ) ՀՀ դրամ ընդհանուր ծավալով, տարեկան՝ համապատասխանաբար 5% եւ 11% եկամտաբերությամբ արժեկտրոնային ոչ փաս-

տաթղթային պարտատոմսեր: Ծրջանառության ժամկետը 36 ամիս է:

ՀՀ դրամի դեպքում մեկ պարտատոմսի անվանական արժեքը կազմում է 100.000 (մեկ հարյուր հազար) ՀՀ դրամ, իսկ ԱՄՆ դոլարի դեպքում՝ 100 (մեկ հարյուր) ԱՄՆ դոլար:

Պարտատոմսերի ձեռքբերման համար ներդրողները պետք է լրացնեն եւ Ակբա բանկ ներկայացնեն պարտատոմսերի ձեռքբերման հայտեր:

Պարտատոմսերի ձեռքբերման հայտ ֆիզիկական անձանց համար՝

Դրամային պարտատոմսերի ձեռքբերման հայտ

Դոլարային պարտատոմսերի ձեռքբերման հայտ

Պարտատոմսերի ձեռքբերման հայտ իրավաբանական անձանց համար՝

Դրամային պարտատոմսերի ձեռքբերման հայտ

Դոլարային պարտատոմսերի ձեռքբերման հայտ

«Ֆիզիկական անձանց բանկային ավանդների հատուցումը երաշխավորելու մասին» ՀՀ օրենքի համաձայն՝ բանկի թողարկած անվանական պարտատոմսերով ներգրավված դրամական միջոցները համարվում են երաշխավորված բանկային ավանդ եւ երաշխավորված են «Ավանդների հատուցումը երաշխավորող» հիմնադրամի կողմից:

«Ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ԿԱՐԾԻՔ

ԱՄԵՆԱՄԵԾ ԵՐԱԶԱՆՔ

ԻՆՉՊԵՍ ԵՆ ԱՆՎԱՆԵԼ ԵՐԵԽԱՅԻՆ

Ծնվել է 44-օրյա դասերագմուն գոհված դահեասագորային Վահե Կարադեյանի եղբայրը: Վանը ծնվել է նոյեմբերի 17-ին «Էրեբունի» բժշկական կենտրոնում՝ 2 կգ 400 գրամ քաշով և 46 սանիմետր հասակով:

Վահեի մայրը՝ 49-ամյա Անահիտ Մկրտչյանը, ասում է՝ իրականացրել է որդու ամենամեծ երազանքը:

«Վահես լույսիսկ բանակից էր ամեն օր գանգում ու խնդրում, որ երեխա ունենանք: Ասում էր՝ մամ ջան, բանակից գամ, նորությունն անկողնում պառկած լինի: Հիմա Վահես երկնքից տեսնում է, որ ես ու ամուսինս իրականացրել ենք իր ամենակարևոր նպատակներից մեկը: Շատ եմ ուզում, որ Վանս եղբոր ճանապարհով գնա, Վահես տեսնի, որ իր ճանապարհը շարունակող կա, իր կիսատ մնացած երազանքներն իրականացնող կա», - ասում է մայրը:

Անահիտ Մկրտչյանի խոսքով՝ ինքն ու ամուսինը գիտակցաբար են գնացել այս որոշմանը և չնայած իր տարիքին ու առողջական խնդիրներին՝ Աստուծո օրհնությամբ բախկ են ունեցել: «Ես իր մեջ չեմ ուզում Վահես տեսնել, ես ուզում եմ տեսնել Վանին, որը շարունակելու է Վահեի գործը: Ես չեմ ուզում որպես Վահե սիրել, ես ուզում եմ, որ Վանը հպարտ լինի, որ Վահեի եղբայրն է: Աննկարագրելի իրականություն է սա, Վանը փոխեց մեր ընտանիքի մթնոլորտը, հնարավորություն տվեց, որ մեր դեմքին մի փոքր ժպիտ գա»:

Հիդիությունը վարել է կեսարյան հատումն արել է «Էրեբունի» բժշկական կենտրոնի ծննդատան փոխտնօրեն Դավիթ Աբովյանը: «Անահիտ Մկրտչյանը եղել է ռիսկային խմբում, բացի տարիքից՝ նաև դիաբետ է ունեցել, վերջին օրերին նաև ճնշման տատանումներ ուներ: Այս



ամենը հաշվի առնելով՝ մենք ժամկետից շուտ ենք կեսարյան հատումն իրականացրել: Ներկայումս ե՛ն երեխան, ե՛ն մայրը իրենց լավ են զգում»:

21-ամյա Վահե Կարապետյանը պարտադիր ժամկետային ծառայությունից վերադարձել էր 2019թ.-ի ամռանը, սովորում էր Երեւանի պետական համալսարանում, մասնագիտությամբ դեղագործ էր: Վահեն աշխատում էր NEWS.am-ում որպես օպերատոր, մոնտաժող: 44-օրյա պատերազմի ժամանակ նա հնարավորություն ուներ պատերազմ չմեկնելու, սակայն կամավոր մեկնել է Արցախ: Վա-

հեն մասնակցել է Մատաղիսի, ապա Շուշիի մարտերին, նոյեմբերի 6-ին Շուշիում ծանր վիրավորում է ստացել, որից հետո տեղափոխվել է Երեւան:

Նոյեմբերի 9-ին, այդպես էլ գիտակցության չգալով, Վահեն մահացել է պատերազմի ավարտի վերաբերյալ հայտարարությունից մի քանի ժամ առաջ:

«Ասում էր՝ ես հո փախա՛ս չեմ, որ փողոցում քայլեմ, ինձնից փոքր տղաներն առաջնագծում կռվեն: Ինձ անընդհատ ասում էր՝ մամ ջան, ես փախա չեմ...», - պատմում է մայրը:

ԼԻՂԱ ԵՐԻԱԶՈՐՅԱՆ

ԼՈՒՐԵՐ

ԵՐԿԱՐԱԺԱՄԿԵՏ ՊԱՅՄԱՆԱԳԻՐ

Ֆուտբոլային ինսայդեր Ֆաբրիցիո Ռոմանոն հայտնել է, որ Լոնդոնի «Չելսի»-ն երկարաժամկետ պայմանագիր է համաձայնեցրել Մոսկվայի «Դինամո»-ի եւ Ռուսաստանի հավաքականի կիսապաշտպան Արսեն Զախարյանի հետ: Ռոմանոն հայտնել է, որ ֆուտբոլիստի եւ ակումբի միջեւ պայմանագրի հիմնական կետերը համաձայնեցվել են դեռ ամառվանից, իսկ «Չելսի»-ն կշարունակի բանակցությունները «Դինամո»-ի հետ, որպեսզի 2023 թվականին գործարքն ավարտին հասցնի: Նա նաև նշել է, որ «Չելսի»-ում վստահ են, որ գործարքը կկայանա: Արսեն Զախարյանի նկատմամբ անգլիական ակումբի հետաքրքրության մասին լուրերը սկսեցին շրջանառվել ամառային տրանսֆերային պատուհանի ընթացքում: «Չելսի»-ի հետաքրքրվածության մասին լուրերը հաստատել էր նաև Զախարյանի գործակալը, ֆուտբոլիստը ես հայտարարել էր «Չելսի» տեղափոխվելու ցանկության մասին: Գործարքը, սակայն, չկայացավ՝ պայմանավորված Ռուսաստանի դեմ սահմանված պատժամիջոցներով:

ՀԱՄԵՄԱՏՈՂՆԵՐԸ ՉԵՆ ՀԱՄԿԱՆՈՒՄ

Լեգենդար արգենտինացի ֆուտբոլիստ Դիեգո Մարադոնայի որդին մեկնաբանել է Արգենտինայի հավաքականի պարտությունը Սաուդյան Արաբիայից (1:2) աշխարհի առաջնության խմբային փուլի առաջին տուրի խաղում: «Դժվար է հավատալ, որ այս ամենը իրականություն է: Խելահեղություն է Սաուդյան Արաբիային պարտվելը, բայց ֆուտբոլում երբեմն պատահում են այսպիսի սենսացիաներ: Յոթ եւ Մեսսիի համեմատողները ոչինչ չեն հասկանում ֆուտբոլից: Մենք խոսում ենք երկու տարբեր մոլորակների մասին, բայց ես չեմ ցանկանում այս պարտությունից հետո որևէ բացասական բան ասել Մեսսիի մասին», - Դիեգո Արմանդո Մարադոնա կրտսերը նշել է իր խոսքում: Առաջին տուրից հետո C խմբում Սաուդյան Արաբիան (3 միավոր) առաջատարն է, Մեքսիկան ու Լեհաստանը 1-ական միավորով կիսում են երկրորդ եւ երրորդ տեղերը: Արգենտինան (0) վերջինն է:

ՉԵՆ ԿԱՐՈՂ ՀԱՅՏԱՎՈՐԵԼ

Աշխարհի չեմպիոն Ֆրանսիայի հավաքականի գլխավոր մարզիչ Դիդիե Դեշամը չի կարողանա նոր խաղացողի հայտնվելը վնասվածք ստացած պաշտպան Լուկաս Էրնանդեսի փոխարեն: Հայտացուցակների փոփոխության վերջնաժամկետը նոյեմբերի 21-ն էր: Գերմանիայի չեմպիոն Մյունխենի «Բավարիայի» ֆուտբոլիստը ծնկի վնասվածք էր ստացել Ֆրանսիա - Ավստրալիա (4:1) հանդիպման արդեն 13-րդ րոպեին եւ փոխարինվել: Նրա համար աշխարհի առաջնությունն ավարտված է: Ֆրանսիայի հավաքականն այս աշխարհի առաջնությանը մասնակցում է առանց հիմնական կազմի խաղացողներ Նգոլո Կանտեի, Պոլ Պոգբայի, Մայք Մենյանի, Քարիմ Բենզեմայի, Կրիստոֆեր Եկուկուի, Պրենսել Կիմպեմբեի: Բոլորը վնասվածքների պատճառով չեն խաղում: Հաջորդ հանդիպումը Ֆրանսիայի հավաքականը կանցկացնի նոյեմբերի 26-ին Դանիայի դեմ:

ԿՆԵՐԿԱՅԱՑՎԵՆ

ՀԱՅԿԱԿԱՆ ԳՈՐԳԵՐԻ ԵԶԱԿԻ ՕՐԻՆԱԿՆԵՐ

ՀՀ ԿԳՄՍ նախարարության դրամաբնորհային աջակցությամբ նոյեմբերի 23-ին Հայաստանի դասնության թանգարանում բացվել է «Գրվագներ ինֆունյան. գորգ» խորագրով ժամանակավոր ցուցադրությունը, որում ներառված է Հայաստանի դասնության թանգարանի ազգագրության ֆոնդում դասվող գորգերից մի արժեքավոր ընտրանի:



Ցուցադրությանը ներկայացվել են գորգերի, կարպետների, աղամանների, անկողնապարկերի, խուրջիների եւ այլ իրերի մի քանի տասնյակ եզակի օրինակներ: Հավաքածուում ներառված գորգերի եւ կարպետների ժամանակագրությունն ու աշխարհագրությունը լայն է՝ դրանք պատրաստվել են Վասպուրականի, Բարձր Հայքի, Արցախի, Սյունիքի, Նախիջեւանի, Լոռիի, Շիրակի, ինչպես նաև հայաշատ բնակավայրերի՝ Կիլիկիայի, Կեսարիայի, Պարսկաստանի, Ադրբեջանի, Վրաստանի, Յուդեաստանի, Բուլղարիայի հայ վարպետների կողմից:

Վասպուրականում, Արաբկիրում հյուսված են 19-րդ եւ 20-րդ դարերով թվագրվող գորգերի մի քանի տասնյակ օրինակներ:

Ըստ հորինվածքների՝ նմուշները պատկանում են Արեւագորգ, Ջրաբերդ, Պռոշբերդ, Խաչաստղ, Մեմլինգ, Վարանդա, Թռչնաբուն, վիշապագորգերից՝ Խնձորենկ, Որոտան, Խորանագորգ, Ծաղկագորգ, կեռագորգ, շեղանկյուն վահաններով, կենաց ծառերով, բուսանախշերով եւ այլ տիպերին: Ցուցադրության նպատակն է հանրությանն ի ցույց դնել Հայաստանի պատմության թանգարանում պահվող գորգերի եւ կարպետագործ առարկաների դեռեւս չցուցադրված նմուշները, որոնք էապես կնպաստեն գորգագործական ավանդույթի ներկայացման եւ բացահայտման գործին:

● Նոյեմբերի 27-ին «Բոհեմ» թատրոնում տեղի կունենա սթենդապի «Էվոյուցիա»: Տոմսերի արժեքը՝ 3000-6000 դրամ: Սկիզբը՝ 19:30:



Էջը՝ ՌՈԶԱ ՊՈՐՈՍՅԱՆԻ

ՍՈՑԻԱԼԱԿԱՆ

ՀԱՐՑ. Հայրությունը դասական կարգով որոշելը:
Կարինե Աթանեսյան (29 տարեկան)




ՊԱՏԱՍԽԱՆ. Ամուսնության մեջ չգտնվող ծնողներից երեխա ծնվելու դեպքում, եթե բացակայում է ծնողների համատեղ դիմումը կամ երեխայի հոր դիմումը, ապա որոշակի անձից երեխայի սերված լինելու փաստը (հայրությունը) որոշվում է դատական կարգով՝ համապատասխանաբար ծնողներից մեկի կամ մոր, երեխայի խնամակալի (հոգաբարձուի), կամ այն անձի դիմումի հիման վրա, որի խնամքին է գտնվում երեխան, իսկ երեխայի չափահաս դառնալուց հետո՝ վերջինիս ներկայացրած դիմումի հիման վրա: Այս դեպքում դատարանը հաշվի է առնում ցանկացած ապացույց, որը ստույգ հաստատում է, որ տվյալ երեխան սերվել է որոշակի այդ անձից:

ՀՀ աշխատանքի եւ սոցիալական հարցերի նախարարություն

«ԺՈՂՈՎՈՒՐԳ». Իրեն երեխայի հայր ճանաչած, բայց երեխայի մոր հետ ամուսնության մեջ չգտնվող անձի մահվան դեպքում վերջինիս որպես երեխայի հայր ճանաչելու (հայրության) փաստը կարող է հաստատվել դատական կարգով՝ քաղաքացիական դատավարության օրենսդրությամբ սահմանված նորմերով:

ՂԱՏԱԿԱՆ

ՀԱՐՑ. Ո՞րն է համարվում հանցագործությունների համակցությունը
Պատվական Օհանյան (35 տարեկան)



ՊԱՏԱՍԽԱՆ. Հանցագործությունների համակցություն է համարվում միեւնույն անձի կողմից մեկ կամ մեկից ավելի արարքներով սույն օրենսգրքով նախատեսված երկու կամ ավելի հանցանք կատարելը, եթե նա դրանցից ոչ մեկի համար քրեական պատասխանատվության չի ենթարկվել: Եթե անձի մեկ արարքում առկա են սույն օրենսգրքի միեւնույն հոդվածի միեւնույն մասի տարբեր կետերով նախատեսված ծանրացնող հանգամանքներ, ապա հանցագործությունների համակցությունը բացակայում է: Այդ դեպքում արարքը որակելիս՝ նշվում են այն բոլոր կետերը, որոնցում նախատեսված հանգամանքներն առկա են անձի արարքում:

ՀՀ քննչական կոմիտե

«ԺՈՂՈՎՈՒՐԳ». Հանցագործությունների համակցությունը բացակայում է նաեւ երկընտրելի օբյեկտիվ կողմ ունեցող հանցակազմերի իրականացման այն դեպքում, երբ միեւնույն անձը միասնական դիտարկությամբ կատարում է այդ հանցակազմի օբյեկտիվ կողմի մեջ մտնող մեկից ավելի արարքներ:

ԼՈՒՐ ԿԱԴՐ

Լուսանկարը արվել է Լոռու մարզում



Սպիտակ-Երեւան ավտոճանապարհի 9-րդ կմ հատվածում բախվել են 61-ամյա Սուրիկ Խալաթյանի վարած BMW մակնիշի եւ 58-ամյա Աղաջան Մաքսանյանի վարած Renault Logan մակնիշի ավտոմեքենաները: Վթարի հետեւանքով տուժածներ չկան:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ **ԱՆՎՃԱՐ**:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.



*«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը.
«Շարունակությունը կարող էք կարդալ «Ժողովուրդ» օրաթերթի այսօրվա համարում»:*

Լրատվական գործունեություն իրականացնող՝
«Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 23.11.2022
Պատկեր: Պատկերակր Մարտի 2. Վարդանիս 4. Հանգրվան 2021

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ
չեն վերադարձվում, Գ նշանով նյութերը գովազդային
հրապարակումներ են, որոնց համար խմբագրությունը
պատասխանատվություն չի կրում: